

Hilberner Rud

Rudenkirtag Sierning Faschingdienstag 4.3.2025



Wir Hübinga – eh ganz kloar San dabei im neichn Joahr Bei uns hod si ah wos dau San jetzt mehr um an Mau (Mann) Gesänglich trotz_dem ned bessa Oba unsa Rud is gressa Zoid wer an Liter- dann denks auf Das heid oana mehr mitsauft	In Schiedlberg- ganz ein schlauer Is sicha da Franz Angerbauer Zeit hod er zum Todschlogn Drum kafft er si an Hendlwogn Wia in Stoi a Henn bled schaud Wird's ah glei am Grülla ghaud Guad san de Hea vom Angerbau Grod nu grett vorm TKV
Letztes Joah am Rudenkirda Haum erm au_gsunga de Riada Unsern Hannes is passiert Häd an Spezi fost kastriert Wia haum uns denkt- goaned bled Wei nu a Tenor ohgeht Der neiche, kastrierte, Schöne Singt jetzt bei uns de hochn Töne	De Weihnachtsmess im letzten Joahr Spüd d'Sianga Musi- wunderbar Woa recht sche, wir gratulirn Nur oans dan wir ned kapiern Gspüd is woan Liad Nummer 4 Näher mein Gott zu dir Ausgsuacht haum do de Liada Lohmoa Rudis Leichnbriada
Woifinga Peda, singt ganz kloar beim Stoanasdorfer Männerchor Hättn eh auf erm eigredt Das a neiche Rud entsteht Mid Lehner Siegi und so Vegl Entsteht ah Rud, in da Regel In Neikircha- ohne Liang Brauchans lustige vo Siang	Hod wer wos geerbt, oda gstoin Hod wer illegal an Poin Hod wer wo a Spoarbuach gfundn Oda ah Kukukskind entbunden Lauta soiche Raubasgschichtn Dan a poa Damen berichtn Wer des is, des sogn ma ned Frochts d'kathi, vom hoda z'edt
Von Waldneukirchn da Burgamoasta Koarl Schneckenleitner hoasta Bei erm im Garten ois sche bliad Weil Friedhofserdn hoamgfiad wird Zufällig er im Gräber-Kod A Kniaprothesn gfundn hodn De wird aufkom ned wega kaut Vielleicht bei erm amoi verbaut	A Hübinga wird prominent Wird boid Dienststönleiter gnennt Im Hoizhaus oans- in odlwaung Sans gengan Flächenfraß scho laung! Da Rogl Daniel ganz schlau A Zufahrt wie a Landebau Jetzt kannst vo hübern aus wegflang so duad de kammer d'baun au-liang
Da Müchi von de Mühibaun Duad gern amoi beim Most ansaugn Beim Heign gegönt sich drei vier Zug Des hoamfoan war dann nimma klug Die Kiwarei erm kontrolliert Hom sein Schein glei kassiert, Sei Frau war dann gscheid angfressen Weil de is nüchtern nem erm gessen	Halusa Wirtshaus, wia ma sogt Is eng verbundn, mid da Jogd Dorthi keman fost oi Stund A poa Jaga, oft mid Hund Ausgrechnet Jogdleiters Knaufferl Rennt d'Hea vom Wirt übern hauffa Liegn lossn hoda brav Woan wie im Wirtshaus- oid und zach

Aweng Pandern und wüd werkn San in Plaung Edi seine Stärken Auf Hochzeitsreise- uns ned wundert Foad er mit sein Puch fünfhundat Kurz vor Liazn stehad woan Fetzhi woara dann, der Goam Lilly scho aweng frustriert Er meist vorm Zü, hängad wird	Da Schiaßa Lois bei erm daheim Hod gfundn einen Wertgutschein Hümi-oid, nu Schilling gwen Da Bochmayr -wirt hod den hergem Beim nächsten Schnitzl essen geh Hod er zoid mitn sein Gutschei Beim Bochmayr kannst ned zoin mit Kartn Doch aufd Schilling danns nu woatn
Beim Jungwirt allgemein bekannt Der Bierverbrauch is ollerhand Wei besser passt der Einkaufspreis Wird Bier besorgt Palettenweis Beim hoamfian foin de Kistn um Wegn da Ladesicherung Den Anblick den verkroftns nie San jetzt in Biertrinktherapie	Jetzt sama ferdi zan Gück Gstanzl hobts ghead vierzehn Stück Dad ma wie da kerbl werkn Kunnt ma si dhöfte ned merkn Bei jeda Rede lest der Wedl Oba vo sein schummizettl Schummler und Excel Tabön Deafan ba koan Rodn fön.